



Universitätsbibliothek Paderborn

**Avla ... Thesavorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1655

§. 171. Videns autem Pilatus quod nihil proficeret. v. 24.

urn:nbn:de:hbz:466:1-45515

alios feliciores se, in ipsis quoque spiritualibus rebus, per quas curari solet invidia. Huinanum dico, sicut tu nosti Domine, propter infirmitatem veteris Adam, quam hereditate acceperunt. Tu vero, Rex pacifice, qui sine invidia communicas bona tua nullius boni habens indigentiam, operaris mirabilia in humilibus servis tuis, qui adiuti fortissima virtute tua, quamvis in principio conversionis suae tangantur infirmitate ista, preliando tamen & invocando te veniunt ad statum quendam felicissimum, in quo letantur proximorum suorum excellentia, non minus, aut fortasse magis, quam tua.

Da mihi hanc gratiam ut diligam proximum tanquam me ipsum; læter bonis eorum, quasi meis, beati enim viri, quorum anima non affligitur prosperitate aliorum neque dilatatur eorundem adversitate.

§. 171. *Videns autem Pilatus quod nihil proficeret. v. 24.*

Pilatus considerando verba Iudeorum & malitiam in respondendo quodque ex suis verbis, quibus conabatur liberare Christum ob innocentiam, nihil proficeret ob impulsum & suggestionem principum, atque ideo rationibus amplius non esset agendum, cum hoc populo irrationali, tumultuante & malitioso, iudicabat ad impedientium tumultum & seditionem in populo, dimittendum Barabbam, & sic paulatim magis appropinquavit ad voluntatem Iudeorum, & a sua recessit.

Quid agis Pilate? ut vitentur mala non sunt facienda mala. times tu multum in populo, idonee vis consentire in malum morale? ideone cum populo iniquè agere? cave. Tu præses es constitutus, ille subditus: tu Iudex, hic accusator pessimus, tu prudens, ille imprudens: tu videns, ille cæsus; tu hactenus iustus fouisti iustitiam, ille iniustus & veritatem odiens: Noli desistere à veritate.

Domine, etiamsi contingat me nihil proficere posse apud proximum male agentem in concilio, curia, senatu, capitulo &c. verbis monitis, orationibus, exercitiis pii, obsecrone deficiam idcirco ego quoq; & recedam à iustitia via, quia tu eris remunerator meus, qui vides intentionem cordis mei.

§. 172. *Sed magis tumultus fieret. v. 24.*

Tumultus est ex actione discordantium quæ opinor accidit ex eo quod turbæ astantium Iudeorum coram tribunal clamaarent Barabbam, dimittendum esse, & timarent ne non dimitteretur, sed loco eius Christus liberaretur.

IO 3

Erant